



Statsforvaltaren i Møre og Romsdal

Vår dato:

20.03.2021

Vår ref:

2007/6552

Dykkar dato:

Dykkar ref:

NORSK ORNITOLOGISK FORENING AVD. M&R
c/o Olbjørn Kvernberg
Idrettsvegen 9
6413 MOLDE

Saksbehandlar, innvalstelefon

Ola Betten, 71 25 84 76

Runde fuglefredingsområde, Herøy - dispensasjon for fugleregistreringar 2021-2025

Vi viser til mail frå Ingar Støyle Bringsvor 15.03.2021 med søknad om fornying av dispensasjon for ferdsel i Runde fuglefredingsområde i samband med fugleregistreringar. Vi viser også til tidligare dispensasjonar av 08.03.2004, 26.05.2006, 14.06.2011 og 26.05.2016 knytt til overvaking av hekkande sjøfugl på Runde. Arbeidet som blir gjort av NOF Møre og Romsdal er årvisst og ligg inne i det nasjonale overvakingsprogrammet for hekkande sjøfugl, SEAPOP.

Runde fuglefredingsområde blei freda ved kongeleg resolusjon av 30.04.1981. I verneforskrifta pkt III fastset ein verneformålet til: «*Føremålet med fredninga er å ta vare på eit rikt og interessant fugleliv og fuglane sitt livsmiljø, serleg med omsyn til sjøfuglkoloniane*».

Verneforskrifta pkt IV d) fastslår at «*Av omsyn til fuglelivet er det forbod mot all ferdsel innfor områda, og mot ilandstigning frå båt i tida 15. mars til 31. august for områda 1 - 3, og i tida 15. april til 15. august for område 4. I denne tida er det og forbode på nokon måte å skremme ut fuglane ved hjelp av skot, blåsing i skipsfløyter o.l. Desse reglane skal likevel ikkje vere til hinder for grunneigarane si næringsutøving etter dei eigedoms- og bruksrettar som gjeld, eller for ferdsel for dei som høyrer heime på øya. Heller ikkje er det til hinder for ferdsel etter oppmerka stiar til og frå oppmerka utkikspunkt*».

Etter verneforskrifta pkt VI er det fastsett at «*Miljøverndepartementet kan gjere unnatak frå fredningsføresegnene for vitskaplege granskingar m.v.*». Dette er lagt til Statsforvaltaren, og vi har vurdert søknaden etter denne heimelen og etter prinsippa i naturmangfaldlova §§ 8-12, jf. § 7:

§ 8 – Kunnskapsgrunnlaget

Arbeidet i fuglefjellet kan medføre ei kortvarig forstyrning, men med erfarne registratorar kan ein opptre slik at hekkande fugl ikkje vert hindra i å oppsøke reirgangar og andre hekkestader. Ei hekkebestandskartlegging med lange tidsseriar vil vere eit avgjerande verktøy i forvaltinga av



artane og hekkeområda, her under utarbeiding av presise og relevante bevaringsmål i forvaltingsplanar for verneområda. Vi finn fordelen med dette større enn ulempa ved kortare forstyrningar i samband med ringmerking og teljing. Ut frå føreliggande kunnskapsgrunnlag er det forsvarleg å kunne tillate slik ferdsel.

§ 10 – Samla belastning

Vi kan ikkje sjå at ferdselen vil gi noko uakseptabel totalbelastning verken på sjøfuglkoloniane på Runde eller bestandane generelt.

§ 9 – Føre-var prinsippet og § 11 – Kostnadene ved miljøforringelse

Statsforvaltaren ser ikkje at desse kjem til bruk i denne saka.

§ 12 – Miljøforsvarlege driftsmåtar

Feltarbeidet skjer med stor varsemd. Dette er en miljømessig gunstig tilpassing.

Statsforvaltaren fattar difor følgjande vedtak:

I samsvar med vernereglane for 4 fuglefredingsområde og etablert fuglelivsfreding på og omkring øyane Runde i Herøy kommune og Grasøyane i Ulstein kommune, jf. kgl. res. av 30.04.1981, gir Statsforvaltaren i Møre og Romsdal med heimel i punkt VI, jf. pkt. VII, dispensasjon frå vernereglane punkt IV a) og d) på følgjande vilkår:

Det blir knytt følgjande vilkår til løyvet:

- Løyvet gjeld for inntil 3 personar på same tid, herav Ingar Støyle Bringsvor. Vi ber om å få tilsendt liste over evt. andre feltarbeidarar. Samme skal gjevast til SNO v/M. Eklo.
- Løyvet gjeld i perioden 15. mars 2021 til og med 31. august 2025.
- NOF skal setje opp informasjon om at det pågår vitskaplege undersøkingar, og feltarbeidarane skal bere t.d. markeringsvestar for å informere publikum om aktiviteten.
- Opphaldet i fuglekoloniane skal avgrensast til det heilt naudsynte. Det skal unngåast å plassere seg så nær reirgangar at tilkomsten blir hindra. Dersom ein får mistanke om at ein hindrar fugl i å besøke reiret, skal ein snarast råd bytte posisjon.

Dette vedtaket kan klagast til Miljødirektoratet innan 3 veker i samsvar med forvaltningslova § 28 ff. Evt. klage skal sendast Statsforvaltaren i Møre og Romsdal.

Med helsing

Bjarne Otnes (e.f.)
fagleiar

Ola Betten
prosjektleder

Dokumentet er elektronisk godkjent

Kopi: Ingar Støyle Bringsvor Støyle 19 6089 Sandshamn